


He aratohu raupapa mahi mō te whakahaere i tētahi hui Inspiring the Future ki tō kura



Ngā Ihirangi

- | | |
|--|----------|
| He aha e whakahaere nei i tētahi hui Inspiring the Future? | 2 |
| He pēhea a Inspiring the Future e mahi ai | 3 |
| E hia te roa me pau i a au i te kaupapa nei? | 4 |
| Me pēhea te whakamahi i tēnei aratohu | 4 |
| Ngā mahi mō mua i te hui | 5 |
| Ngā mahi mō te rā o te hui | 8 |



He aha e whakahaere nei i tētahi hui Inspiring the Future?

E whakaatu ana ngā rangahau ā-ao e hangaia ana e ngā tamariki ō rātou tūmanako mō āpōpō, ā, kei a rātou pea ngā haukume matahuna, i te taenga pea ki te whitu tau te pakeke. E hono ana aua tūmanako, haukume anō hoki, ki ngā putanga ora ā tōna wā.

He mea whakahaere e Te Amorangi Mātauranga Matua he rangahau i Aotearoa, i tonoa ai ngā tamariki 7 ki te 13 ō rātou tau, kia tātuhi i tā rātou e hiahia ai hei mahinga mā rātou ina pakeke. Neke atu i te 7,700 ngā tamariki i urupare, ā, ka whakaatu ngā otinga i te whāiti o ō rātou tūmanako, me te neke atu i te haurua o rātou e pohewa ana i tā rātou mahi i tētahi o ngā mahi e iwa noa iho.

I whakaatu anō hoki ā rātou tātuhi i ngā haukume matahuna mō te ira tangata, te mātāwaka me te tūnga ohapori. He mea ui anō hoki ngā tamariki i te rangahau i pēhea rātou i mōhio ai ki ērā mahi nā rātou i kōwhiri, ā, ka mutu he wāhi tō ngā whānau me ngā arapāho ki te nuinga o ngā whakautu.

Mā Inspiring the Future e whiwhi arawātea ngā taiohi ki te ako mō ngā momo mahi mai i ngā tauira mahi nō te hapori. Ka whakawhānui i ō rātou tirohanga me te whakamana i ō rātou whakaaro mō ngā aramahi ka taea ā muri atu.

E kite ai te rangahau Drawing the Future, haere ki
inspiringthefuture.org.nz/our-research

He pēhea a Inspiring the Future e mahi ai

1. Waitohu atu i te inspiringthefuture.org.nz
2. Waihanga tuihonotia he hui.
3. Tonoa ngā tauira mahi mai i te pātengi raraunga tuihono.
4. Tonoa tō kete rauemi koreutu, ka tuihono rānei tō tikiake i ngā rauemi.
5. Me takatū mō te hui.
6. Whakahaeretia ngā mahi akomanga mō mua i te hui.
7. Whakahaeretia te hui, e whai wāhi ai ēnei mahi:
 - a. Ngā pātai e 20. Ka tuku pātai ngā ākonga ki te tauira mahi hei raparapa i tana mahi.
 - b. Te huranga. Ka wehe te tauira mahi i te akomanga, me te hoki mai e mau kākahu mahi ana, e pupuri ana rānei i tētahi taputapu e whakaatu ana i tana mahi. Ka whāwhāki i ā rātou kōrero – i ngā mahi e mahi ana rātou, te ara i whāia kia whiwhi ki aua tūnga, me ngā wero i pā ki a ratou i te huarahi.
 - c. Ngā rōpū matapaki. Ka noho ngā ākonga i te taha o ngā tauira mahi ki te tuku pātai me te ako kia nui ake mō ā rātou mahi me ngā kōrero hāngai.
8. Whakahaeretia ngā mahi akomanga mō muri i te hui.

E mātakitaki ai i te ataata o tētahi hui Inspiring the Future, tirohia a inspiringthefuture.org.nz

E hia te roa me pau i a au i te kaupapa nei?

- Tukuna kia 2–3 ngā haora mō te hui.
- Tukuna anō hoki he wā hei takatū.

Me pēhea te whakamahi i tēnei aratohu

- Whakamahia te wāhangā 'Ngā mahi mō mua te te hui' me te rārangi arowhai ki te whakamahere me te takatū.
- Whakamahia te wāhangā 'Ngā mahi mō te rā o te hui' hei āwhina i tō whakamahere i te hui me te whakarite kia mahia ngā mahi i te wā tika (kawe haeretia te aratohu i te rā o te hui).



Ngā mahi mō mua te te hui

Te Whakamahere

Matapakitia ēnei e koutou ko tō rōpū:

- te wā me te wāhi mō te whakahaere i te hui
- me pēhea te manaaki manuhiri
- te tokomaha o ngā ākonga e whai wāhi ai
- mēnā ka hiahia koe ki te whakahāngai i te hui ki ētahi whāinga marautanga anō, ki ngā uara rānei o te kura
- ngā tauira mahi e tukua ai ngā tono
- mēnā me tono ngā mātua, whānau, āiga rānei kia haere mai ki te hui.

Whakaritea tō hui, ka tuku tono ki ngā tauira mahi

TĪWHIRI: Whakarite tuihonotia tō hui me te tono i ngā tauira mahi kia whai wāhi hei te ono ki te waru wiki i mua i te hui kia taea ai te tono whakawāteatanga i ā rātou mahi noa.

Takiuru ki inspiringthefuture.org.nz mā te whakamahi i tō Takiuru Rāngai Mātauranga (ESL). Me tono urunga pea i tō kaiwhakamana ESL - ko te tikanga ko te kaiwhakahaere ā-kura, te tumuaki rānei - ki te kore koe i takiuru i mua.

Ka aratakina koe ki te whakarite i tō hui me te kōwhiri tauira mahi mō te hui anō hoki.

TĪWHIRI: Tonoa kia nui ake ngā tauira mahi i tērā ka hiahiatia. Tērā pea kāore e taea e ētahi te tae ki te hui.

Tonoa, ka tikiake rānei i ngā rauemi hui

- Tonoa he tārua ā-pepa koreutu mā te īmēra i te inspiringthefuture@tec.govt.nz
- Ka tikiake rānei i ngā rauemi i te inspiringthefuture.org.nz/resources

Te whakatau i ngā tūnga me ngā haepapa

Me whakatau mā wai e:

- whakarite te wāhi mō te hui
- manaaki ngā tauira mahi (te tūtakitaki, te ārahi haere me te whakamōhio atu ki ngā mahi kei te haere, te whakamihī me te ārahi atu ki waho ina oti te wāhi ki a rātou)
- whakahaere i te haringa o ngā ākonga ki te hui
- whakahaere te hui me te huawaere i ngā pātai
- whakahaere i ngā rōpū matapaki.

Te whakaotī i tētahi whārangi whakarāpopoto

Tikina ake te tātauira whārangi whakarāpopoto mai i ngā rauemi hui. Whakatauria ngātahitia ngā wā tīmata, ngā wā mutu mō tēnā mahi, mō tēnā mahi, me te tāpiri i ngā wā whakatā anō hoki.

TĪWHIRI: Tukuna te whārangi whakarāpopoto ki ngā tauira mahi. Mā mātou e hoatu tohutohu me ngā taipitopito hui ki ngā tauira mahi, engari ka hiahia hoki rātou kia whiwhi whārangi whakarāpopoto i a koe. Ina whakaaehia tō tono e tētahi tauira mahi, pāwhiria tana kīwhaiaro kia kite i ana taipitopito whakapā.

Te whakahaere i ngā ngohe i te akomanga mō mua i te hui

Whakamahia ngā ngohe i ngā rauemi hui i tō akomanga e takatū ai ngā ākonga mō te hui.

Te rārangi arowhai

Whakamahia tēnei rārangi arowhai i ū mahi whakamahere.

Me whakarite:

- kua matakina e koutou ko tō rōpū ngā taipitopito o tō koutou hui
- kua hangaia tō hui, kua tonoa hoki ngā tauira mahi i **inspiringthefuture.org.nz**
- kua tonoa, kua tīkina ake rānei ngā rauemi hui
- kua hangaia he whārangi whakarāpopoto
- kua whakatauria ngā tūnga me ngā takohanga mō te rā
- kua whakahaere i ngā ngohe i te akomanga mō mua i te hui.



I a koe e takatū ana ki te whakahaere i te hui Inspiring the Future, e takatū ana ngā tauira mahi kia whai wāhi. Ka whiwhi rātou i tā rātou anō aratohu raupapa mahi e whakamārama ana me aha i mua, i te wā hoki o te hui, me ngā rauemi tautoko anō hoki hei āwhina i tā rātou whakahihiri i ngā ākonga, me te whakarite kia whaihua ngā mahi i te rā.

Ngā mahi me mahi ā te rā o te hui

Ngā mahi whakatū

Me whakarite:

- kei reira ngā tūru whai tau mā tēnā, mā tēnā tauira mahi mō te ngohe pātai e 20
- he papamā
- kia rawaka ngā pene, pēne rākau rānei mā ngā ākonga
- he wāhi motuhake hei rokiroki taputapu mā ngā tauira mahi, hei tīni kākahu anō hoki
- he wāhi e nohonoho ai ngā ākonga me ngā tauira mahi mō ngā rōpū matapaki
- he wāhi kai paramanawa mā ngā tauira mahi.

TĪWHIRI: Ka hiahia pea te tauira mahi i tētahi tēpu hei whakaatu i āna taputapu me te tūru hei noho i runga. Tērā rānei ka noho pea i runga i te papa me ngā ākonga kia kaha ake ai te tūhonohono ki ngā ākonga. Mēnā he pai te huarere, ka noho pea ngā rōpū i waho. Kei a koe te tikanga mō te whakahaere i ngā rōpū matapaki.

Haria ēnei rauemi i tō taha ki te hui:

- tēnei aratohu
- he tārua o te whārangī whakarāpopoto mā ngā pouako me ngā tauira mahi
- ngā kāri tauira mahi
- ngā tātauira pātai e 20
- ngā kāri whāngai kupu mā ngā rōpū matapaki.

TĪWHIRI: Ka taea e ngā tauira mahi te rongo i ngā ākonga i te ngohe pātai e 20? Whai whakaarohipa te whakamahi i te tukuoro.

Te whakatau i ngā tauira mahi

Ki te taea, tūtakina ngā tauira mahi i te kēti kura me te pōhiri i a rātou ki te kura.

Whakaaturia ki a rātou:

- te takoto o te kura, taea noatia te hōro me ngā wharepaku
- ngā wāhi hei rokiroki i ngā taputapu me ngā kākahu mahi
- ngā wāhi e kuhuna ai ngā kākahu mahi.

Arahina rātou ki te wāhi taupaepae.

Kātahi:

- ka whakarato kai paramanawa ki a rātou
- ka whakamōhio atu i a rātou tētahi ki tētahi, ki ērā atu kaiako anō hoki
- ka whakamārama i ngā hātepe haumaru mō ngā wā ohotata
- ka whakarite kei a rātou ō rātou kākahu mahi me ngā taputapu hei matapaki i tā rātou e hiahia ana ki te whāki i te mahi hura
- ka ārahi i a rātou ki ō rātou tūru hei te wā e tīmata ai te hui.

Te whakahaere i te hui

Hei ārahi noa iho ngā roanga wā nei; kei te āhua o te rahi o tō hui ngā roanga wā mō tēnā, mō tēnā ngohe.

Te rāhiri i te katoa me te whakamārama i te haere o te hui (kia 5 meneti)

1. Rāhiritia ngā tauira mahi me ngā ākonga ki Inspiring the Future.
2. Whakamāramatia ngā mahi ka mahia i te hui.

Te ngohe pātai e 20 (kia 30 meneti)

E noho anga ngā tauira mahi, e mau kākahu ūpaki ana, i tētahi rārangi i mua i ngā ākonga. Ko tā ngā ākonga he raparapa i ngā mahi a ngā tauira mahi mā te tuku pātai tae atu ki te 20.

1. Tonoa ngā ākonga kia tuku pātai pērā i:

- Kei te whakamahi koe i te pāngarau i te mahi?
- Kei te mau kākahu ūrite?

Tukuna ia pātai ki ia tauira mahi.

Ko tā te tauira mahi whakautu e pēnei ana, "āe", "kāo" rānei, "i ētahi wā", "pea" rānei. Ka tuhituhi ngā ākonga i ngā whakautu ki runga i te tātauira pātai e 20.

2. Tonoa ngā tauira mahi kia wehe atu i te rūma me te whakamau i ūrātou kākahu mahi, ki te kohi rānei i ūrātou taputapu.
3. I ngā tauira mahi i waho i te rūma, tonoa ngā ākonga kia raparapa i te mahi a tēnā, a tēnā tangata. Tuhia ūrātou whakautu ki te papamā. Ki te rerekē ngā otinga raparapa, me tono pea kia pōtihia e ūrātou te mea tino pai rawa.

Te huranga (kia 3 meneti mō ia tauira mahi)

1. Me whakarite kei te mau kākahu mahi ngā tauira mahi, kei ūrātou ūrātou taputapu rānei. Tonoa ūrātou kia hoki takitahi ki te rūma.
2. Whākina atu ki ūrātou ngā raparapa a ngā ākonga.
3. Tonoa ia tauira mahi kia:
 - whakamōhio ko wai ia me te whāki i tāna mahi
 - kōrero mō te takiwā o te 3 meneti mō tāna mahi, te ara i whāia kia whakawhiwhia ki taua mahi me ngā werō i mua i a ia i te huarahi.

Mutu ana te huranga, koia te wā pai mō te whakatā. Ka āhei te hurinaha i te wā mō ngā rōpū matapaki ki te hiahia koe.

Ngā rōpū matapaki (kia 5–10 meneti ki ia tauira mahi me te wā hei whakawhitī tauira mahi)

Mā tēnei ngohe e āhei ngā ākonga te pāhekoheko ki te tauira mahi i roto i ngā rōpū iti. Me arataki tēnei ngohe e ngā ākonga.

1. Tonoa ngā tauira mahi kia kohikohi i ā rātou tau me ā rātou taputapu, ka arataki atu i a rātou ki te wāhi tika.
2. Whakarōpūhia ngā ākonga kia ūrite ai te maha o ngā rōpū ki te maha o ngā tauira mahi (ka taea tērā i mua).
3. Mā tēnā, mā tēnā rōpū e toro ia tauira mahi (tukuna kia 5–10 meneti mō ia tauira mahi). Kāore pea e taea te toro ngā tāuira mahi katoa – kei te pai tērā!
4. Ka tuku pātai ia rōpū ki te tauira mahi, ā, ka tū he matapakinga.

Whakarerekētia te wā mō ia tukunga pātai me te matapaki e ai ki te tokomaha o ngā tauira mahi me tō ngā ākonga.

Whakamahia ngā kāri whāngai kupu matapaki kia haere tonu te matapakinga.

Kia kotahi te kaiako i te iti rawa e tirotiro ana i ngā rōpū matapaki.

TĪWHIRI: Mēnā kei te pōturi haere ngā rōpū matapaki, hoatu ngā kāri whāngai kupu, ka whakarite kia kōwhiri ia ākonga i tētahi kāri me te tuku i te pātai i runga. Ka āhei te tono i ētahi kupu whāngai kupu anō kia whai kāri ai ia ākonga.

Katia te hui

Whakahuihuitia te katoa. Me mihi atu ki ngā tauira mahi mō rātou i tae mai ki te kōrero mō rātou anō.

Te whakahaere i ngā mahi mō muri i te akomanga

Whakamahia ngā ngohe i ngā rauemi hui i tō akomanga ki te huritao me te whakapakari i tā ngā ākonga i ako ai i te hui.



**Tertiary Education
Commission**

Te Amorangi Mātauranga Matua